

執齋先生文集

執齋先生文集序

執齋先生於予為鄉先進予筮仕  
時先生貳大司寇得奉侍都下見  
先生容端而氣和嶷然山立予心  
竊儀刑之尚意

孝廟時人其老成類若是然而未悉先  
生政事也居亡何先生持議與權

貴人不合輒謝政去予以次京

朝得之鄉評士論稍稍接先生門生  
改吏能譚先生政事之卓著者大  
都引古繩墨自裁蓋符先生儀貌  
云予心益向往然而未偁見先生  
之文章也今年予承乏來撫東土  
而代巡近山傅君以嘗為博士子

弟員時受知先生通出先生平生  
所著稿親為讐校刻之濟南既  
成以予為先生鄉人屬為之序予  
迺得盡讀而讀之其言率雅馴綜  
切理道不為詭異穠麗以循時好  
又知先生之文章如先生之政事  
與其儀貌也先生其不可及也已

矣嗟乎世之號稱文章家者不過  
於一句一字較體裁求形似耳其  
於心身絕不相類視先生為何如  
先生文章不暇悉舉即如未第時  
與張子靜蔡虛齋書憫斯道之缺  
絕不顧流俗不避姍笑直以聖學  
自任謂之不待文王之豪傑非耶

至於塞倖門明忠佞除害交修  
疏指斥權倖詞義嚴正聞者往往  
為之屏氣卷舌雖與烈日爭曜可  
也要之誠獨立不怙者他如六書  
考津議占法先天後天圖卦變說  
作闡幽譔物直足以考三王俟百  
世豈得之訕詒聽說也哉其可傳

無疑若曰求先生於一句一字之間與漢唐人較體裁論其工若拙則非予所敢知語有之嚴同者應氣合者投近山君正直忠厚持風裁尚體要蓋得先生於文章之外者其傳是也詎止曰文章文章云集凡二十卷為詩賦襍體者八卷

為樵文者十有二卷論世尚友以  
俟君子予媿弗逮矣用書為序因  
質之近山君以為然否

巡撫山東都御史安成後學生彭

黠謹序



執齋先生文集叙

執齋劉公少穎慧能文章長益力  
學貞志篤行期於古人既登第出  
試輝陽輝人悅而生祠之尋以御  
史言事忤權貴下吏罷歸起家視  
學由河洛入閩所至誦慕無窮今  
祀之三山云初宸濠之變公嘗提

兵江防與平討賊之功

今上錄之累遷為刑部侍郎海內喜於  
直道復行莫不延首想望風采者  
亡何大獄興而公歸不作已悲夫  
悲夫予小子昔嘗及門慕公為人  
乃今始獲從其子秉卿君讀其遺  
文其放之詩歌闡之著述雖感遇

以時各殊其意義要皆本之性情  
根極理道洋洋乎咸可風誦法程  
至明也乃若其書疏論說獎善植  
正醜惡斥姦審治敗之幾明習向  
之路又何其高大光明而忠藎激  
烈耶於是益信公之文取諸其積  
故其詞達而不費發於其志故其

言衷而不詭於隨讀其書如見其  
人豈不衷若符善始善終哉今  
學士大夫相與談藝文之事準漢  
則唐所謂美也舍是則無所庸其  
好已學者逐時好刻意錯比其文  
廼荒紕其德視其行往往與文畔  
不可信如此者豈少哉予甚惑焉

豈文與行固二也孔子之論文也  
謂文莫猶人而以躬行君子為未  
得夫文言之華而行其實也本實  
不存枝葉焉麗是故辭藻之工忠  
信之薄而文其衰乎是以君子務  
實勝也小子不文則嘗聞教於君  
子矣於是竊取仲尼之意撫公行

事明徵其辭遂校其訛異自賦而  
下釐為二十卷刻之濟南以與尚  
友之士共覽觀焉

嘉靖己酉春正月吉

巡按山東監察御史門人傅鎮謹  
叙

執齋先生文集目錄

刑部左侍郎萬安劉玉著

監察御史門人同安傅鎮校

第一

賦七首

厲志賦

荆山賦

四友亭賦

松坡賦

外姑劉孺人壽萱賦

鶴賦

東隱賦

七一首

七發送盧先生謝教事

解一首

石齋解

辭五首

擬招辭

岑山程君良甫哀辭

竹坡張先生哀辭



梨君仁興哀辭

贈幸菴彭公辭

頌三首

總督彭公平寇頌

北堂貞壽頌

椿庭榮壽頌

贊十二首

大梁書院旭日贊

四皓圖贊

趙清獻公贊

包孝肅公贊

整菴羅公像贊

歐陽明之像贊

朱熙齋先生像贊

朱處士廷止像贊

友梅兄像贊

顛隱兄像贊

咸儒兄像贊

貞白兄嫂李孺人像贊

箴一首

敬菴箴

銘六首

橫街劉氏家廟鍾銘

瘞雀銘

界方銘

硯匣銘

硯銘

扇銘

第二

四言占詩一首

送榕谿金公往庵德安之獄五章

五言古詩

題川上圖

奉冰玉老先生求教二首

感興

幽居寫懷

題畫二首

送黎蕭二兄從白沙先生詩有引六首

早起

渡江

題畫

早發

謝馬錦衣汝礪

題抱琴圖

題畫二首

陶狄二公祠

題扇寄友人

睡起

有懷

玩易

清夜

擬古

題畫

清江口夜泊書事

鄭州懷古

抱疴

夜坐

勉學

誠遊

和陶

貞女辭

晚懋有懷

贈別

詠史

鶴峯卷爲內姪魯伯賦

宗第小景

夜雨愆兒誦正名學稼章因成四韻

第三

七言古詩

中秋

中秋望月

禽言答員工部四首

同卓兄西郊

四駿二圖爲敬兄賦二首

登樓感懷

題歲寒大字贈蕭具緒

雲山書屋圖

創居贈張舉人

仙家

鍾馗爲彭憲兄題



清明感事

碧梧翠竹圖

君馬黃

竹崖壽意為蕭君蒙碩賦

望雲歌為蕭君遠才賦

慎軒為蕭君蒙紳賦

日出扶桑圖

月生滄海圖

壽星圖歌

題畫壽廖畦樂

呆叟詩

題畫壽六柳兄

題畫壽真隱兄

介軒隱趣為資寵兄作

第四

五言律詩

晚泊家君命賦

重過漂程山莊

江行初霽

孤鴻

出塞三首

旅宿有懷

武姥仙祠

梁州牧散

芭田耕樂

桑逕樵歸

早朝

月

戊午元日示諸生

春謁百泉書院

雨晴偶述

自笑

回隆驛

代東張伯淳

憫雨

喜雨

石門

三湖寺二首

勝福寺次韻

冒雪

雪霽

夜至林縣

歸途

夜至侯趙川

得歸

江行

謾興二首

訪隱

出儀真阻風

題扇寓懷

古墳

偃師晨講遇雨

過郊縣留題二蘇墓祠二首

題畫二首

昌平次馮司寇僧房夜坐二首

長至歸途再次前韻二首

維舟獨坐

送 駕至清江浦次白韻

京口別後寄憲

宿房村下

嘉靖新正試筆

寒

次韻鄭大理芍藥二首

送黃子忠謫嶺南

遊甕山次韻

幽興

元日趨朝口號

舟中夜雨

漂母祠

聞甘肅有警寄榕溪公

祖陵

大同兵變

寄魯伯姪索畫

早春曉望

廢宅

雪霽安德道中

寒甚

嶧山

滕縣

利國監驛



贈別

題五雲樓

方思道至

林茂貞至

送人上京

大雨

暴漲

仙境

油嶺幽居因見聯  
乘興賦此

試燈遇雨弟姪小  
白

華子集卷一  
聞陳宗禹

試筆

春泛

秋興

夜坐

小樓

世降

幽居

五言排律

贈呂戶部

奉憲副俞公二十四韻

稍坑山居留題同褒弟

賀新婚

自張秋泛河書事

次韻答李宗一年兄

贈王如行年兄廣東憲長

贈仇總兵

贈全正郎

總制鄧公賀捷

題南山歲寒圖

送王金溪南臺都憲

壽張敬亭都憲

壽喬白巖太宰

壽楊遂翁

同蔣子脩百泉次韻

起廢示諸友

樂城趨瀛海道中書事

留題麻溪別墅

雪梅

第五

七言律詩

峽江龍母祠

贈安南貢使

素扇馮宗師出韻見試

乘風

望夫石

秦娥廟

寄孺子亭

求文西昌歸舟有感

暴漲

塞上

登青雲樓家君命賦

江垞

寄咸肅兄

秋興和杜

昭君村和杜

值雨

五陂

粵王臺

山行

黃鶴樓二首

題梅

登樓

中秋

哭內

寫恨二首

落花

西湖

梅憲兄所

雨望攄懷

午日思親

雨後餞贛令

題墨梅

寓意

歸舟

題竹爲雪溪母舅

挽母舅北澗先生

贈教弟

輓超兄

挽袁大尹



卓兄偕計上京口號

哭孚兄

登樓

元日自徐入京

春日在京是日有事南郊

趨朝東汪器之

瓊林宴

贈周駕部閱馬入奏南歸爲董壽甫賦

銀海浪仙

神京

寄題褒第隱居

西山次韻二首

感事

贈王年兄宣齋兵器便道歸蜀

駕幸南郊東李貽教

駕歸次韻答貽教

求將

哭廷弟二首

長安春興

赴輝道中

泥溝

至輝經逃里有感

沐藩文場

朝覲歸途

閑愁

三仙祠

憫旱

檢荒蘇門次韻蔣子修

登十八盤次前韻

入中湖次韻

夜坐方丈次韻

金章里

雲門送石二尹兄運

壯遊

醉中次白沙韻四首

過濬登太塚山次韻子修

次韻酬郭魯瞻

午憇靜樂僧房在汴城西

桃源圖次李晦之韻

齋所次壁間鷺湖舊韻

井陘淮陰侯祠次韻二首

次韻李少叅東王伯安二首

唐山道中

登獲鹿城

燈花寄諸弟

漳川得家訊

謾興三首

黃山道中

被逮北行寄諸昆友

被逮道中

一  
卷  
獄中次劉東山先生韻  
酌任廷贊

獄中聞鳩次韻東葉汝實

獄中次任廷贊險韻三首

贈任廷贊赴遼陽戊二首

已巳重九登白雲峯

登幞頭嶺

次韻論學

一舫齋爲王主事乃尊賦

湖上阻風訪水仙祠

晚泊

第六

七言律詩

壬申五月至共有作

留題百門山

又題書院

陝州

澠池道中

偃師懷古示諸生

自鞏洛趨汴晚至鄭州

夜坐有懷

謁湯陰岳武穆祠

秦始皇

赭陽感懷併示諸生

京口登驛樓值雨東林太守延元

題扁舟獨釣圖

觀風長樂書事

南壇齋居夜望

次白石山房韻

南安書事

泉東山行隔溪見仙觀不果入



登鼓山次毛先生韻

偶書

連江東湖祠堂

東湖道中書事

仙村

茶洋驛次陳大參韻

茶洋次韻酬查忠齋

曉坐有懷

次張大經先生詠留候

經黃石磯

余忠宣公祠

崇烈李公祠

駕至江都

京口書事

候 駕慈僧房至日作

維楊感興

次韻簡器之約遊鷄鳴山

督師寄勉諸兒

留題玩蔞亭

贈別曾子文

京口次韻白巖

高郵次韻留寄白巖

送咸表弟通判潮州

寧藩變後曰卿姪來省告歸賦此

遊報恩寺同白巖追和涯翁詩韻

登金山二首

謁陵道中石潭限韻

陵上限韻

贈林汝桓次山齋韻

泰陵次韻

康陵次韻

送李宗器司空督理河渠

送成國朱公詣安陸祭告

次韻素翁輓黃伯固二首

送俞司空江藩冊封

送蔡愈憲之蜀

送柱卿姪赴金華同府

贈方思源改威縣令

送王應時赴張陽太守

趙錦衣別業醉呈清溪諸公

阜城冬至

東阿即事

顏瓌墓

次韻謝馬侍御津

次韻顏梅田對雨有懷

贈陳侍御謫教海陽

南郊逸 駕次韻素翁

重九呈同行諸公

輓王改齊

昌平歸途

涿鹿道中

彭門懷古

寄家訊

彭城被水泊舟子房山有感

淮陰祠

途次遇王敷英口占贈之

宿龜山

中都

登第一山遊瑞巖觀留題

元口德州拜節書懷

寄輓水村

瀛海書事東何巡撫年兄

銅城次小泉韻

徐城寄兆二首

彭城四

登廣視堂東諸君子

神女祠

感懷次韻二首

奉別沂樂

歸州夜坐次韻梅田

書懷次韻北山

初歸

寫興

寫懷東熙齋并同社諸君子二首

幽居

春遊東士友

塞上

道卿留飲阜民門并東熙齋

麻溪別墅

春遊



卜居

謾興

耕隱

東華舊館題壁

雨中乏米對酒解朝

穀日

五雲樓邀二林通府

寫懷勉諸幼

折梅

畫梅

癸巳新正試筆

元宵

書樓寄興

西隱卷爲朝弟賦

送德卿姪三水司訓

輓十妹

送紹卿姪樂昌司訓

宴外舅西軒

題尚卿姪別墅

愍生孫

九日倚雨飲藥第南樓

約遊東華

春卿姪席間口號同淇園弟

飲世卿姪東華別墅

第七

五言絕句

言志

車

舟

感物

夜月

送人

題畫二首

梁園

赴召南道中遇雨二首

子聲賞花二首

剡溪

長安二首

閨情

旅興

憶詩翁

灘

和銅雀妓

秋怨

口占贈遷戍者四首

江行聞鶴

題畫

飯顰山解嘲

通仙

即事

嘗醋圖

三笑圖

據懷

雪菊

春懷

素扇

閨懷

四景

四喜

梁楚遊

四香四首

省愆

線香筆

片瓦硯

繩衣架

磚香爐

離思二首

雜題二首

夜坐

秋意四首

登樓

團扇

結廬

晚憇柳堤有懷

六言

花

題扇

匡廬

觀書偶作

七言絕句



贈道士

見月有懷卓兄選兄二首

採蓮曲

楊柳詞二首

送奎第二首

竹枝詞八首

題友人四圖四首

春遊

孔明

吳隱之

秦檜二首

楊妃

廣成

朱買臣

書感二首

志恨

次白沙寄仁興韻三首

看一峰詩口占

見梅子

早秋

早朝

銅雀臺

汴都

堆金塚

邯鄲

務農

夜題三鳳泉

黑鹿山祈雨

城南觀雨

曉雨自中湖至平羅小憩

喜雨

偶興

賞雨

春思

夜坐

衛郡歸作

志兒啜粥小婢撥榆爲蔬戲作

乞米

和白沙先生沙蜺韻

北行乏資貸於石二尹書此爲質

風雪趨衛郡

共城八景留別席間作

方山屏擁

原水珠躍

晉祠耕耘

雲門舟楫

東山縱牧

西嶂歸樵

邵窩清風

共臺峻節

別輝東諸同寅

乙丑除夜寓恒山憲臺

丙寅十月寫懷

夢中題梅

歸興

晚泊

春興

戲題濯足圖是夕被逮

用韻戲答耳鳴

獄中偶書

獄中次韻任廷贊時祭有感

次韻留別諸君

次韻酬謝地官忠

被寇書感

題畫留別

起廢題畫

大梁城

信陵君

宿瓜步有懷

來暘亭在蒲城東

第八

七言絕句

志感

和閨思寓懷

書感

督師九江

寧國方丈夜坐

注書

吟詩

回鑒



紫金山

山詠

宿天壇聞簫

題文山大忠祠

錢江張廖廢宅

春興

秋興

夜思

楊柳

春望

志感

遷客

歸思

戲馬臺

放鶴亭

春遊

山逕

四興寄諸兄第四首

宋徽宗

陳後主

紅梅

憶春遊

陟山

浮山

題竹

題扇

江亭別意

春晚舟行見挑

憶友人

憶昆弟

蓮花澱二首

送行

陵祀有感

除夜饋酒湯沂樂

懷歸四首

春遊

楊柳

彭城懷古

題扇

舟行懷古

黃鶴樓

夢歸

曉過西湖四首

冬至見燕東汪器之江天信

題扇

歸舟抵家口號

長信宮

昭陽殿

雲中戍

榆林城

五陵遊

黃陵廟

贈戍嶺南二首

題扇

楊柳詞

春風

棹舟

春遊

知津閣

湖上曲

竹枝詞

仙潭巖

金鵝峰

紀夢

題麻溪畫

謾興

漁陽陝士

除夜二首

新春謾興四首

醉

尋幽

紀事

題真隱兄畫

山遊二圖二首

題畫

惜春

謾興

讀白沙詩

宮詞

竹枝詞



題曰清嬌畫二首

喜宗孔宗曾入學

題魯肅魯輔姪畫四首

士充入學書賀子尚嬌

題魯輔姪扇

書士充士元士光扇三首

文卿姪春集

憫農東當道下同二首

憫役二首

答友人

詩餘

青玉案

慕溪山思家

瑞鶴仙

第九

奏疏

輝縣知縣奏民情

山西道監察御史題塞倖門廣言路

御史巡視通州陳言除害

監察御史陳言交修六事

巡按直隸題慎重大婚

巡按直隸陳治忽明忠佞

第十

奏疏

大理左少卿題申明律意

提督操江南京左僉都御史題報軍情

操江都御史舉辯持正官員

操江都御史題報捷音

操江都御史題專責任以重江防

南京左僉都御史乞休

南京左僉都御史自陳乞休

都察院左僉都御史自劾不職乞罷

都察院左僉都御史辭免陞職

都察院右副都御史題甄郡勞以勵庶官

都察院右副都御史請伸憲法

刑部右侍郎題議處接應賑濟

刑部左侍郎題體勘賑濟

刑部左侍郎自劾乞休

刑部左侍郎乞休

第十一

記

黃公灘神祠壁記

遊洪山寺記

高明樓記

西水遊樂記

謁康衛侯祠記

河南按察司續題名碑

二程先生新詞記

古梅亭記

二列祠後記

山庭記

力齋記

慎軒記

第十二

序

送劉侯之桂林序

送歸善林君之令河池序

送判簿黃君之萬安序

送大叅何君督餉朝京序

分給贈行詩序

周氏世德錄後序

大叅王君贈行詩後序

振旅安民敘

誠感河平詩序

贈黃伯馨海陽司訓序

送建安楊仁夫歸省序

贈司訓戴君之任興化序

贈曲阜令孔君序

邵武令蕭時鳴贈行序

虞侯榮徵贈行序

從化令沈述甫贈言序

第十三

引

西墅八景圖引

竹林圖引

論

養士論三篇

張浚

莊周

老莊論



第十四

說

顛隱說

燕泉說

名三子說

尊德性道問學說

先天圖說

後天圖說

員圖方位說

卦變圖說

卦變說

師路說

靜專說

草窓說

議

律議

第十五

書

奉子靜張先生

奉憲副使俞公書

奉蔡虛齋先生

奉蔣內翰敬之

奉虛齋先生書

奉鵞湖費先生

回泰和陸大尹震

東陳文明

奉蕭黃門文明

書示法卿

啓

奉總督彭公啓

第十六

檄

討寧庶人檄

題跋

恭題

賜書月朗風清下方

跋詠古詩

題性理群書句解

姚樞碑跋

書淮陰侯廟碑記

跋三事堂記

竹亭詩卷跋

題贈李風水詩後論恠穴

策問二十三首

第十七

雜著

世變

懲奢

市利

兵戒

潔翁贈鄒謙之

客諭

將將

八蜡解

五祀考

谷脉

彭與明事畧

文襄逸事

宣府失機

又記宣府事

陝西總制

紀行

紀事

問疾

占法

龍異

蚊戒

義猫

禮馬

五星聚營室

言性

世紀

雜說二首

答問性

六書考

書義

徵夢

名

教

復初八景述



鷺嶂晴嵐

雲洲烟樹

芙蓉奇巖

惶恐驚濤

西水春耕

東郊秋牧

梅山鍾秀

藜閣騰輝

第十八

傳

梅紅傳

虛菴傳

友松傳

行狀

封雲南道監察御史蕭公莘夫行狀

封通議大夫南京吏部右侍郎羅公行狀

正奉大夫河南左布政使劉公行狀

墓表

列婦袁濬妻孔氏墓表

巡津令石君墓表

第十九

墓誌銘

丹厓先生曾公墓誌銘

資政大夫南京刑部尚書李公墓誌銘

陝西布政司右布政使孟公墓誌銘

資善大夫南京刑部尚書孟公墓誌銘

豐潤伯曹公墓誌銘

伯兄咸齋先生墓誌銘

殤女塋銘

朱君墓誌銘

正軒彭君墓誌銘

第二十

祝祭文

百泉書院告文

衛源祠祭文

黑麓山禱雨文

祭石門山三仙洞康衛侯文

黃水口風神祠祭文

奉孫處士李共城合祠邵先生行窩告文

安樂窩祭文

蘭公墓祭文

四月禱雨祭文

衛源禱雨文

三仙潭禱雨文

禱雨祝文二首

謝雨告文

十賢堂告文

祭冢宰許公文

祭巡撫孫公文

祭羅栗齋先生文

祭陽明王公文

祭陳克謹先生文

祭馬坤 卮錦末文

祀名宦祠告文

祭贛州工二守死事

祭死難者文

尚書府君壽寧祠堂祭告文

祭東一公文

祭慎軒兄文

祭表兄李喬望文

祭孚兄辭

祭坦夫兄文

祭亡妻文

祭外姑文

祭十妹文

祭東門女文

符司馬溫公藏書甚富所讀之  
書終身如新今人讀書徒隨手  
拋置甚非古人遺意也夫佳書  
難得易失稍一殘缺修補甚難  
每見一書或有損壞雖欲購  
歛不已數年以來蒐羅卷備卷  
帙編緝使整觀是書者倍宜珍  
護卽後之藏是書者亦當諒惠  
意之拳拳也說聞齋主人記



執齋先生文集卷一

刑部左侍郎萬安劉玉著

監察御史門人同安傅鎮校

賦七首

厲志賦

嗟咄咄兮歲月之弗停悵悠悠兮學業之無成浩茫茫兮  
泛滄溟之無極戰兢兢兮履丹崖而將傾若有人兮莫測  
迴獨立乎高明感予心之憤悱吐德音之芳馨曰約之以  
禮兮以窒爾慾所貴乎道兮以矯爾輕犯而不較以懲爾  
忿戾之氣死而後已以警爾惰媮之情斯吾之所以爲訓

既收雋於顏魯勉而脩之不息追電駕於雲程方頓首以  
服膺兮俄超忽而無際幸神明之弗棄兮知餘生之可  
企曲木可揉兮礦石可磨豈人生之靈秀兮終頑僻而匪  
他覆九仞於一簣兮策蹇步於千里服斯言以爲訓兮終  
予生而後已嗚呼海可涸山可平斯言可誼兮死者可以  
復生

### 荊山賦

荊山著名久矣在雍者軒帝鑄鼎之所在濠者神禹疏淮  
所經在江陵者和璧之所產今在東平者司馬王公之所  
稱也天下山起西極北爲崑崙跨胡徼入爲恒嶽鍊千金

臺散而爲遼碣抵於北海南爲岷嶷跨越徼入爲衡嶽鍾  
于金陵散而爲甌閩抵於南海其中出隴坻爲華爲嵩越  
河濟爲泰嶽散而爲青徐抵於東海中者南北之幹也故  
其靈秀之鍾于人者甲於南北予嘗道齊魯泰山穿窿如  
在天表嶧山拔地數千丈凜不可犯宋儒孫明復顏太初  
雖嘗因之以爲稱愚意未然泰山必吾夫子嶧山必吾孟  
子斯稱情矣及過東平荆山端然出闕闔之上泉甘而土  
沃林木環之王氏之所居司馬公之所生也公起甲第歷  
憲臺晉大司馬丹忱素操貫乎始終茂績嘉猷流于遐邇  
行當柱石宗社以揚鴻休顧獨以荆山題其齋扁蓋不忘

其所生且將爲息駕之地也稱名之義淵乎旨哉諸公嘉  
是高誼咸有所述王非能賦抑聊著仰高之私云爾賦曰  
猗茲山之聳特兮拱岱宗攬鄒嶧而奠東平豈鑄鼎疏流  
而蘊璞兮故皆以荆山而著名軼群峯以獻奇兮俯平陸  
而鍾秀對蓊蓊其櫛比兮屋渠渠而鱗奏升其巔以遐矚  
兮擴海宇之無垠懷軒禹之往躅兮慨和氏之弗辰漕渠  
引驛途交兮日舟車之奔驚瞻紫宸於眉睫兮趨孔林於  
跬步肆周遊平原隰兮雲溶溶而泉涓涓春風忽其披拂  
兮胡景象之暄妍故家屹乎昂峙兮生材粹乎玉瑩敷中  
外以濟時兮膏澤沛乎河潤進雖委質於公兮退亦豈忘

吾私聚國族以烝嘗兮環山蔽而耕耨冠書後松山樹  
朝吾經而暮吾史豈徒善吾後兮抑將訓大隣之子願王  
事之方殷兮日驅馳之弗遑雖動簫之日顯兮豈柔梓之  
可忘假荆山以爲稱兮抑著存於心目追逸駕於前脩兮  
庶高高之可續許曰林有虎兮湫有龍嗟維公兮山攸崇  
永言弗諠兮懋忠台鼎荆山峩峩兮厥聞炳炳

#### 四友亭賦

鐵甕之墟日精之趾江海外環金焦後峙丁卯橋橫厥惟  
仙里靈秀鍾焉慶澤之所啓也顒顒焉師師焉叢詩禮諧  
塏虎蓋其生也同馬氏之常而其晚也擬商山之皓惟之

連而氣同故心同而同好於是出闕闥臨嵯峨冠亭山麓  
植秀亭阿謝爭春之桃李辭競夏之葵荷豈縈情於所玩  
矢投好而靡他爰有徂徠丈人之材淇澳君子之德孤山  
處士之芳巴東萊公之植咸聞風而至止紛比肩而累跡  
當夫嚴秋凜冬風晨月夕雨雪交加萬籟岑寂爾乃森森  
薿薿幽邃悅懌或騫而舞或頰而揖或燦然而啓齒或聳  
然而端立嗟斯世之溷濁兮孰耿介之能匹於是主人簾  
櫳啓軒窓闢坐而對之神凝形釋妙契於鴻濛之初邀觀  
於窈冥之隙若四物者真吾同類之親而有麗澤之益也  
伯君爲之歌曰偃蹇兮虬龍滄雲霧兮濛濛流盼兮醴玉

招徕佳兮吾從歌已而醉仲君爲之歌曰琅玕兮凝碧亭  
亭兮虛直伶倫兮歸來鳳翩翩兮焉適歌已若聞簫韶之  
音壯君爲之歌曰冰雪兮瓊瑤香泛泛兮晴霄傳美兮商  
鼎聊歲晏兮逍遙歌已衆皆饜飫季君爲之歌曰柯銅兮  
榦鐵叅天兮黛色嗟新甫兮棟隆儼空山兮愁絕歌已更  
相和與四客者陶然莫逆出肺肝指天日契金蘭締膠漆  
揭四友以名亭彫三光而無斲

松坡賦

翳一人之脩姱兮后土皇之苗裔鬱徂徠之敷秀兮衍匡  
廬而愈熾稟淋漓清以爲質兮繫栽培之弗替牽絲蘿以承

宇兮靡芟木而爲糗沐膏雨以自潔兮吸沆瀣與朝陽爰  
芝蘭以投好兮卒同化而齊芳既挺特而不撓兮挾青霓  
以直上抑紛敷以盤薄兮臨川原之空曠春華敷而秋實  
兮節凌冬而彌壯閱春秋猶旦暮兮鶴俟斃而常存神內  
腴而外偉兮美脩髯之若雲星冠簪其崔嵬兮霞斃被而  
繽紛汨予抱此盛美兮固將徵于世用孰濟川吾舟楫兮  
孰大厦吾梁棟惟方圓之各識兮匪繩削而自中嗟彼世  
之嗤嗤兮曾有心而無知貴槭棘而賤梧櫟兮斷礪砢爲  
桶榱俯長江之東逝兮來萬牛之遲遲夫子既與世相違  
兮固矯擗之爲愧幸斧斤之我逃兮寧犧樽之足貴申訟



言以自矢兮曰遯世而復悔托山林之黯寂兮心獨倦此  
陂陀覽原隰之綿邈兮枕岡阜之嵒嵒地夷廣以深原兮  
抑微隆而不頗壤土沃而膏潤兮忽吾生之日茂抑流雲  
之溶溶兮俯清流之溜溜豐草繚以相承兮群林環而如  
湊曰吾先之夙處兮眷滋久而彌安豈廊廟之不貴兮樂  
山林之盤桓胡險嶮之弗處兮恐巖嶭之匪端也隨吾寓  
而逍遙兮終吾生以自適屆良辰之明媚兮羗朋類之駢  
集或先後以俯仰兮儼左右之森立南山拱而爲壽兮北  
斗傾而獻觴風姨颯其相過兮發歌聲之琳琅俄皓月之  
來窺兮褰舞影之回翔溘生意之融液兮藹陽和之蒸沛

肆克周以洋溢兮茁群生之暢遂紛欣欣以自得兮容沃  
沃而斯晬齊石介以並處兮與偃佺而俱仙乾坤擴其上  
下兮今古倚乎後先樂其樂兮誠不可極賢其賢兮孰知  
其然許曰瞻彼松兮于彼之坡奚松而坡兮匪德伊何反  
身而樂兮遑恤其他揭揭斯名兮於永弗磨

外姑劉孺人壽萱賦

厥有靈卉忘憂是名始兆宜男之慶晚愜奉親之誠掩映  
乎慈竹頡頏乎大椿占北堂之勝地擅南國之先春乃若  
土膏動陽和升密葉布纖茅伸弩銳箭抽危簪森戟戟以  
承露紛靡靡而舒雲迨夫歷朱夏披南薰既擬特以直遂

神戶矯而旁分於是脩莖茁繁葩  
繁榮其爲狀也玉琢瓏玲綺綴  
繽紛其髮鬋曼娜鳳啄娉婷  
其爲色也匪綠匪紫亦黃亦頰  
月華灼爍霞彩氤氳其爲  
氣也若濃而望亦澹而清蘭薰  
藟藟嘉菊芬芬粹然之質  
溫柔嘉旨若泚女連袂左任  
嬀而右皇英飄然之韻洒落  
輕盈若仙娥接軫前金妃而  
後飛瓊固宜觀之而宜慈氏  
佩之而利孺嬰伊盛美之具  
備詎勝頰之能云觀夫王母  
眉壽華造肆陳會初度於幾  
望憶設帨於名門拱令子環  
諸孫走倩嬌來嘉賓斯時也  
芳叢益茂瑞應斯徵色絢編  
爛之服香含沆瀣之樽於是  
孺人粲然一顧意舒而心樂

氣和而體寧致九五之介福延百億之脩齡笑蟠桃兮誰  
觀嗟仙李兮徒聞歷選群彙誠莫若是萱之足稱也醉日  
春風穆兮北堂悅豫兮寧康叢萱兮孔茂胡憂兮弗忘你  
有親兮俯有舅斟北斗兮謔南山萱之華兮歲歲聊此樂  
兮怡顏雨雪兮方冬和氣兮載融靈萱兮奕葉親之壽兮  
齊窮

鶴賦

若有禽兮煉金質秉火精百六十年而極變千六百歲而  
定形竦軀延頸炯目脩翎掩父像以爲服揭離焰而爲纓  
皓兮雪潔煥兮日晶向清風以舒舞泝碧落而長鳴顧鷄

群之齷齪兮羞辟易而莫京然而遺迹翬塵抗志高真澡  
翎鯢海灑翻鵬程曉餐丹霞之顆夜吸玉露之英摠逍遙  
乎寥廓托明迥於幽貞楊州黜藩衛國忘情既自縻於好  
爵抑結好於仙靈每隨雲外駕時載月中笙幻赤壁之清  
夢遺華表之芳聲亶飄飄乎物表閱宇宙而長生慨沙虫  
之蠕動兮泥污濁其疇矜宜乎擅羽族之長亞鸞鳳而爲  
稱也若有人兮性無極之妙體二五之精既蹈義以脩潔  
抑秉禮而爲明然亦厭世紛薄功名冥乎寐處浩乎遐征  
追蹤商嶺老結志羨門生茲不亦人中之鶴出鷄群而崢  
嶸者乎鳥有鳳兮獸有麟人有賢兮聖有神惟精神之昭

契兮奚形迹之足論聊摠情於斯鶴庶以況乎高人

東隱賦

出郭門以東邁介黌宮之東隅林深土沃山環水紆敞蒺  
蒺之華閼峙兀兀之崇廬者東隱之居也頽然其中偉然  
其躬盎然其容采鏘然其辭鋒者東隱之翁也是其外爾  
孰識乃真曰閼於志曰嚴於身胖乎德潤之沃淵乎識鑑  
之深是東隱公之爲人也然而慕高尚蛇華芬括囊蘊璞  
鏗彩沉馨謝紛擾於北闕托優游於東城而東隱公之所  
以得名也背岡臨池可樵可漁抑田園之接吟且足耕而  
足蔬俯仰有卒歲之樂僮僕無非時之虞而綽其有餘也

嘉賓時來杯盤交錯矢聲鏗鏘兮棋聲啄啄歡笑合也暇  
則踏蒼苔坐青陰訪竒蹤之窈窕寄雙眸於遼迥歸則博  
經覽史搜深索隱追四體之欲休爰北窓乎一枕視彼世  
之羈束曾何啻敝屣之餘而太空浮雲之影此東隱公之  
所以樂於東隱也客有憤於高致肆其妄訾曰士生於時  
貴行其志誠曰有才胡爲不仕必曰隱乎固宜窮山林而  
遠迹又胡爲乎依依棲棲混其身於城市時予聞之攘袂  
而起叱曰謬哉子言吾姑語子夫行藏者所遭遠近者所  
寓誠吾心之所臧焉外物之能與况夫得失有時可否有  
義苟非吾之所安雖跬步以難跂又焉能惟此之脫而惟

彼之異且夫永輕食肥擁騶從而駕高車振威儀於廊廟  
列屏翰於寰區子所謂仕而有才者非歟然而折其足覆  
其餽甘渙忍而不耻犯刑憲而莫贖者每相屬焉則豈若  
抗志烟霞追蹤鴻鵠恬然無虞而翛然無辱也亦有人焉  
離群絕俗恒蹢躅以爲高抑硜硜而爲篤視斯世其如玷  
永遐引而不復嗟乎吾非斯人之徒與胡若是之狃獨心  
遠則地自偏又何間於林谷是蓋亂世矯激之行非盛世  
優游之躅也匪異匪同曰所行之中庸匪遠匪近曰所寓  
之從容不矯而潔不詭而通此東隱公之所以爲東隱公  
也而子猶欲致雌黃於其中乎是何異刻舟以記遺操乎



臺空色怍氣沮偃偃而退或以告公笑而弗對歌  
曰惟所止兮吾不知其窮通惟所寓兮吾不知其西東  
吾生於天運兮仰至化於時雍邀清風與明月抱此樂兮  
長終

設問

擬七發送盧先生謝教事

芹宮先生遺榮息機焚棄冠裳製荷而衣指故鄉以言邁  
揖諸生而別之藜閣生進而言曰理亂者用舍之機通塞  
者詘伸之幾方今

聖神繼作賢能並躋踵武則茅拔而連茹群處則袂舉而

成帷語隆盛則紆金而曳紫語事功則旌旂常而銘鼎彝  
是固懷道君子樂進而有爲之時也先生獨去乎此甘乎  
隱約安乎茅茨窳乎其輟轡澹乎其無爲豈將有所至樂  
而特見於茲乎先生驪而笑曰有是哉子試抽逸思闡微  
辭忖測吾旨吾其聆諸生曰諾諾金陵帝都而先生之所  
居也其山川則崇山峻陵長流巨浸雖夸父之步且將疲  
極僵仆而不能窮其勝其宮室則層觀曲房崇臺延檻雖  
離婁之明且將迷離眩惑而不能窮其觀其人物則縉紳  
之彥文儒之英武夫巧作富賈壯民雖九章之筭且不能  
窮其幾千萬人其貨食則川蜀之儲吳楚之殖靡漫詭奇

柔脆麗密雖九府之法且不能窮其幾千萬值是固天下之壯而四方之極也矧乎宗廟丘墓於是乎主宗黨姻友於是乎處故鍾儀窮而思越莊舄顯而思楚而先生豈爲是歟先生曰胡馬依風固人情也然不有安土敦仁者乎子其思之

生曰金陵之西厥有大江江之大不知其幾千萬里也窮乎無窮始乎無始輸以漢湘靡以淮泗恍兮惚兮杳不見其涯矣若乃春潮帶雨晚浪排風雪山倒海殷雷震空又若春色輸晴秋容蘸碧繁星撒金長天浸璧於是駕扁舟鼓輕楫歌清風荅明月固足以挹鴟皮之餘芬踵天隨之

遺跡而先生豈爲是歟先生曰風濤舟楫非倦遊者所能也

三吳之秫有鑒其精三江之水有湛其清釀以儀狄役以步兵和以麴蘖錯以桂苓其始來也鬱鬱蒸蒸如烟雲之晝興其少進也汨汨澎澎如風雨之夜驚忽泉列而芳潤乃波泛而清澄醞藉甘辛脩髓之味有不足以語其珍鬱鬯芳芬蘭麝之臭有不足以語其薰是天下之至味也若使湘妃再歌月娥累舞相如奉觴易牙執俎解衣盤薄軒首箕踞虹吸鯨吞百榼一舉於是陶陶沉沉蒙蒙冥冥謝物累休天均笑淵明之止飲拉居易於醉吟齊生死爲一

覺等天地於一莖泰山壓於上而不知其重滄海陷於下而不知其深區區得失銖累毫分固不足以動其心是天  
下之至樂也先生將有意於茲乎先生曰縱欲敗度此武  
公之所以作抑戒也

攄寫情性莫尚於詩風雅遠矣騷賦繼之迨於近世益繁  
以滋述作相望後先參差爾其引物連類因事陳辭搜剔  
物象揄揚民彝或婉而約或豐而腴或精確而要妙或浩  
瀚而奔馳金聲玉質日彩雲姿含咀天地陰歛陽施矧其  
精微妙質恍惚靈氣倘然而來倏然而去非謝絕乎事幾  
則何以全其神而專其志非歷覽乎勝槩則何以昌其才

而博其趣故悽惋者或有助於江山苦吟者或屢妨於曹  
事此歐陽子所謂窮而後工多自放於山巔水涘者也先  
生將有意於茲乎先生曰詩本人情該物理古之人所以  
達於政者子毋徒取諸郊島聖俞之流也

霄壤之間百年碌碌煩以事機勞以行役酬酢紛紜奔走  
往復齷齪齷齪迫迫促促永不及帶髮何能沐晝不遑安  
居夜不得瞑目乃若役以官宇傭以廩祿胼手胝足日且  
不足僂僂拳曲惕若吏卒是則利穽名驅而軒冕桎梏也  
故夫達人知幾逃世險巖深藏匿處高蹈遠栖身不干利  
害目不觀妍媸口不道臧否心不營是非逍遙乎物表容

與乎天倪玩南山之白雲采黃菊於東籬其處乎于其行  
徐徐其心與與其樂愉愉浩乎不拘若浮雲之卷舒淵乎  
其居若止水之停儲較夫利精極疲沒齒無知何趨舍之  
變殊此莊周所以放情於樸櫟而弘景托意於畫犧也先  
生將有意於茲乎先生曰好安欲逸此可以語常人非懷  
德君子之所存也

寓形天地如炮如燭日月西馳如輪之轉悠悠百年如夢  
一覺故炯然者有時而徂偉然者有時而落歛之槁然者  
有時散而爲埃封之巍然者有時變而爲塋是雖韓彭之  
崇勳趙孟之尊爵赫然侈大者且將轉盼而消燦則此區

區者果安恃而可托故夫達人知命去世離群製形石室  
煉質山扃寄心神於冲漠謝物景之經營謁廣成宿王生  
揚摧乎理奧博約乎道真其爲言曰一竅孔靈兮一氣孔  
神綿綿若續兮擴然無垠天地之根兮玄牝之門維善克  
養兮可以長存母滑爾魂母搖爾精嗽玉液餐瓊英殺尸  
蟲胎玉嬰叅兩儀之高厚乘六氣以降升笑蟻蝶之起滅  
陋龜鶴之脩齡視夫汨沒勢利倏忽死生者豈不大有徑  
廷矣哉蓋昔子房托赤松以遠引葛洪假丹砂而游征先  
生將有意於茲乎先生曰姑舍是晦翁不言但恐逆天道  
偷生詎能安



生曰竊嘗聞之無所爲而爲之之謂義有所爲而爲之之  
謂利故出必以其時處必遂其志夫苟貪祿位於道無裨  
則是樊英之欺世適已自肆逃世遠逝則是荷篠之不仕  
君子不然可仕而仕而非有所必可止而止而非有所逼  
浩然獨與化俱超然不累於物苟戀懷故鄉遊覽自適放  
情乎詩酒肆志乎仙逸視夫商較崇卑觀望損益雖清濁  
之有殊亦何間於得失方先生遊京學貢大庭振鐸於儒  
林其果何心及其懷道而隱順時而休樂山林而優游其  
又何求蓋必有不故鄉而處不遊覽而觀不詩而詠不酒  
而歡不煉而壽不逸而安者矣可行可藏惟道之臧一弛

一  
張與時無方先生之意庶幾在茲乎先生笑曰至矣盡  
矣他人有心予忖度之子之謂矣乃爲之歌曰駕子舟兮  
江湄羣欲濟兮風汨之道可卷兮時不可爲歸兮歸兮其  
樂無涯生從而和之曰送歸舟兮江澚心冲冲兮愁緒望  
渺渺兮浮雲春濛濛兮將雨道可行兮時不可知嗟先生  
兮歸來遲遲

解一首

石齋解

太人先生鍾地靈契天明探聖秘超儒英爰登黃閣俯視  
紫青顧獨於居安之所石齋是名免園子仰德馨歛衽縮

武狀於外庭一瞻羣羣疑懸騰適鳳池丈人過之因晉  
而叩曰夫實者名之實名者實之聲稱常者蓋有取於緩  
稱濂者蓋有取於清今先生材備德純郁郁彬彬雖南金  
不足以喻其采雖良玉不足以語其珍果何取於石而名  
是循雖堅確之可尚殆偏固而弗倫鳳池丈人曰夜寢者  
固無與於五色之分然飲河者豈無與於一勺之吞子尚  
忖測其義博吾所聞兎園子曰諾二氣絪縕萬象糾紛輕  
清上浮重濁下淪而是石者同一陶鈞土膏凝山骨呈或  
礫砢而礪確或崢嶸而崢嶸爾其泰岳觸雲鄰者流星太  
行千里豈皆五城滌滌壯巫峽之勝砥柱障河流之盈太

湖靈壁百態千形乃若怪石作貢嘉石司平範金用礪磨  
厓勒銘張侯化印和氏獻琛穀城蘊子房之畧魚腹肄孔  
明之兵又若韶諫金石伊考斯成岐黃藥石維岐則興隱  
維泉石空谷靡縈達斯柱石大厦用楨此其宏義殆難具  
陳然苟抽萬絲於一緒固可因其似而得其真鳳池丈人  
曰不然道有本有末義有粗有精苟徒徇於口耳將焉索  
其性情在易之豫六二是貞蓋雖處乎和樂之際恒不渝  
其中正之經殆猶石之爲物確乎其不拔澹乎其無營故  
其於外誘也漠然如太空浮雲之影而事幾之鑑湛然若  
止水之無塵所謂靜專安止定而能應者胥焉可徵無意

石齋之義淵乎奧矣安可以籬鷄咫尺而窺九萬之鵬程  
兔園子曰進矣願有復焉豫之介石固貞夫一已四之由  
豫寔兼乎君民且石之象爲艮而艮之義爲止夫旣曰艮  
其背不獲其身矣然又曰行其庭不見其人粵在上古女  
媧煉石以補天傾抑在中古焦先煮石以濟民生蓋石之  
爲用有至乎此者然則石齋之義詎可泥於靜而不稽其  
所行先生聞之笑曰介于石義所臧也不終日用無方也  
貞吉之道吾誰與翱翔也於是疑者愕而顧豁然以悟恍  
逸轍之不可攀聊摠情於玄素

辭五首

擬招辭

擬招爲侍御蕭君之母太孺人作也古喪禮有復宋玉景  
差因之而招作焉雖禮非純古然忠愛之意則猶古也辭  
曰荷夫人之盛美兮秉清淑於玄黃運日星爲機杼兮織  
雲霧而爲章郁乎盛矣忽焉瘁之溘焉逝矣將焉萃之使  
皇英卜兮二姚爲巫求月姊之所居兮訊天孫之所途俯  
幽翳之無形兮仰鴻濛其無極紛求索於八荒兮浩茫茫  
兮焉息魂歸來兮無遐東弱水兮西流沙南雲釀熱兮北  
雪交加上旋風之不可止兮下弱水之不可涯魂歸來兮  
母以爲家魂歸來兮寧爾心驚鶴飄飄徒爾勤瑤池遼邈

不可尋謝女幻惑世所矜麻姑欺詒安足詭魂歸來兮母  
久而湛魂歸來兮復爾所溪山上下兮原田膺膺堂室潭  
潭兮蓬豆楚楚酒有湛兮牲有肥師有歌兮工有舞魂歸  
來兮樂不可數魂歸來兮母久淹夫君封兮子孫賢廩則  
實兮禮樂宣仕之顯兮隱之樂明有褒嘉兮幽慶之綿魂  
歸來兮樂不可言亂曰昧旦兮凝曦夕月兮揚輝詘信兮  
倚伏魂獨去兮安歸春氣兮洋洋菲草兮生芳望悠悠兮  
靡及魂歸來兮故鄉

岑山程君良甫哀辭

程君良甫歙人與予同登丙辰進士同入內臺君脩幹竦

鬻谿達有遠志既入臺矻矻以言爲職故頗與人齟齬獨  
與子厚也嘗規予曰子素端謹柰何與人戲言又語予曰  
人言子之妾兄有所干者予辨之曰某人無妾焉從有兄  
其意恐子或罹于過也子深德之已而子忤權奸罷歸而  
君以疾卒於浙之行臺不獲盡行其志惜哉今予遭

聖明叨進用而君不可復作此予所以爲君惜也然君獲  
全名而予無所展布此予所以爲君愧也然使君在予庶  
幾有所切磋以進於善而君遠矣此予所以重爲君惜而  
尤以自愧也予居留臺二子默然錄銘事致長書屬予爲  
之言噫予雖不能言忍不爲君言邪辭曰



予懷哲人兮立霄漢而無朋挽江河以自濯兮羅星象而  
爲文瞻舜庭以趨鏘兮遵孔周之遺轍肆昌言之琅琅兮  
暢群生之豫悅白日忽其西薄兮啼鵲鳩而翔鵠鵲炳先  
幾以遐舉兮厭斯世而不可留身雖百其可贖兮紛巫咸  
之求索月耿耿其將邁兮雲冥冥兮將焉止息予懷麗澤  
兮情滋久而弗忘慨蒺藜之盈路兮恐蘭茝之不芳諄曰  
水則有涯兮山則有麓草芊綿兮匪原伊陸維流澤之弗  
窮兮庶徽音之可續

竹坡張先生哀辭

正德乙亥夏四月竹坡先生張公卒于家時先生仲子侍

御巡落八閩計聞知者莫不哀惻爲辭以輓王既因侍御  
以知公可不因侍御之哀而哀公平辭曰河源星海兮波  
既扶桑膚雲泰岳兮沛雨八荒吁嗟先生兮世望東陽爐  
橐二五兮繪繡玄黃維仁是篤兮維義是將隱而弗耀兮  
鬱而彌章傲睨箕穎兮泉石徜徉托盟勁節兮淇澳是臧  
堦庭衍慶兮甲第聯芳或輔親藩兮或振臺綱曳裾誼正  
兮攬轡才駁移忠弗匱兮錫孝有常先生雖逝兮道顯巖  
廊橫金衣豸兮申命用章優游蔗境兮旣富且康歸然耆  
宿兮如魯靈光豈不耆壽兮福祉未央靈椿方茂兮電雹  
倏藏星軺北聯兮白雲茫茫烏啼清晝兮夜殞玄霜詠曰

河之源德孔龐兮嶽之雨澤孔滂兮淵之積派無疆兮  
之寡用無方兮吁嗟先生尸祝俎豆永弗忘兮

黎君仁興哀辭

蠡齋先生之沒予將銘之屬從朝行稽於執筆洎歸則墓  
草宿矣然予所以哀先生者未替也乃叙其所以係之以  
辭先生諱潜字仁興姓黎氏其平生孝友脩己誨人之實  
見於諸君所述誌狀表傳爲詳予於是深有感焉聖賢之  
道已明於宋儒乃今而復晦者何哉卑者失之苟同過者  
失之苟異惟先生不然方學者溺於科舉獨能遠從白沙  
非苟同也及學者競爲新奇又著蠡說以辯之非苟異也

予與先生少同筆硯知之最深先生爲學甚力而頗厄於疾及物之志甚銳而竟弗偶於逢在邑庠時與予伯兄咸齋皆能以正自持爲衆所推而皆不及於用以沒君子惜之然使先生獲一命以躋耆壽而用或遠於其初守或渝於其後其得其失孰輕重邪此予所以深有感也昔韓昌黎嘗爲其友歐陽生哀辭今傳於世予雖非韓然所以哀先生者竊附於韓雖未銘茲亦銘矣辭曰

道之明兮如日方升學之昧兮如宵于行嗟君子兮襄然獨秀握瑜瑾兮衣茲文繡衆群彥兮鏘其明璫雲程伊邇兮胡然回翔政行於家兮道孚於友實則克兮而時弗偶

昔子同好兮今歸豈遲暮木拱兮庭草妻其儼中道兮世  
方窘步涕橫流兮維君之故雲山峙兮雲水爭馳駕黃鵠  
兮歸來何時浩歌兮八風湛盈觴兮四瀆歲浸遠兮弗忘  
尚遺編兮可續

贈幸菴彭公辭

少保大司馬幸菴彭公之行贈言者不一而足而言皆不  
同蓋公之可言者難以言盡也王素辱公愛將何言哉亦  
惟達其情而已矣辭曰

濫都門兮騎從如雲云誰之祖兮士友繽紛所懷德人兮  
維邦之傑稟資文武兮鵠首一節敷歷中外兮卿孤匪期

力禪宗社兮聲耀羣夷

聖眷方隆兮胡然勇退倖直心泰兮焦勞身瘁畧太行而  
西兮指膏肓之奧區弔望諸之遺迹兮問廣成之所居慨  
吾行之遲遲兮恨

帝鄉之浸遠雖素梓之爲念兮恐葵藿之未展日皜皜兮  
雲茫茫嗟公去兮西路孔長結明璫於飛旆冀佳訊於來  
章

頌三首

總督彭公平寇頌

皇明之受天眷百四十有五年治化所漸薄海內外既廣

燕冀額弗治乃正德庚午盜起畿甸始數十人跳梁南  
比已而黨與日盛分擾山東西

朝廷命將出師征之弗克辛未冬十月盜魁劉宸濟彥民  
者由邢魏以寇河北楊虎者由徐宿以寇河南楊虎死劉  
惠趙錄者繼之衆數萬人由汝蔡深入唐鄧維時文教雖  
敷武威弗競吏民勁者効死嫵者苟生守無完城戰無堅  
陣里邑焚蕩積骸如丘方鎮以聞

朝廷乃命將分師以討之而都憲古蘭彭公實厝總督河  
南之任

命既下輿情允愜公至責守於守臣責戰於諸將規畫有

方人思効用屢與賊鏖鏖之光黃汝蔡之間戮焉擒賊者  
數萬驅而解散者又數萬劉忠繼死趙鏐被擒俄而劉宸  
之黨越徐穎擾沿江諸郡公奉

命移師江上與東師相犄角壬申秋八月公率師淮揚賊  
覆於泰州之狼山餘黨逸入安慶公遣兵追斬之於是二  
賊之黨皆盡而中原以寧夫自群兇猖亂流毒四方出師  
二年公私俱困公受

命不數月遂克殄之其功盛矣竊揆之古唐憲宗之誅吳  
元濟而平淮西韓昌黎歸功於裴段文昌歸功於李柳子  
厚持之無所優劣然後世公論必歸之昌黎者蓋以晉公



威望之著有在於臨戎之先而董率之功有不在於攻襲之下也以今較昔群兇之罪浮於元濟中原之大倍蓰淮西而威望之重董率之勞公固無讓於昔人也某不佞然竊以訓詁爲職平寇之績詎可無一言以爲頌乎公出將門起家進士文武忠孝著聞當時由憲使晉都憲三徙而蒞中州蓋遴選云頌曰 猗歟

皇明八葉彌盛治登皞熙化洽幽夏粵初開天維  
高祖聖汛洒萃夷一匡斯正

烈聖相承克勤克慎塗茨垣墉綱舉目振維我  
孝考仁洪明濬惠澤熏人融液灌浸

今上嗣之明德方晉赫然太陽孰敢氛侵蠢茲潢池自作  
弗靖舍其乳哺而甘梟獍跳梁嘯呼群醜和應爾孤爾弦  
爾戈爾刃掠馬于途驅人以陣始由近畿愈衆愈橫南楚  
北燕東齊西晉趙魏宋梁靡不蹂躪時方恬嬉吏惰民困  
城圯不修兵萎弗競有忿其中有恆其佞農喪其耕女失  
其聘冤血漂杵烈焰交掀里井丘墟豈直懸磔惟茲中州  
南北樞柄二寇交攻爲患孔甚衆刻上聞

皇心憂厯命將分師仍選其勁爰咨廷臣總督是任桓桓  
中丞萬夫之俊材維天挺義以身殉授鉞臨軒龍光輝映  
爾督將領爾節方鎮斬決爾專便宜爾聽既禡既祖兼程

而邁威望先聞雷烈風迅公既至止再申再令賞不爾孤  
刑豈爾峻馬騰而嘶士起而瞋元戎協謀列校用命天戈  
一揮撓擒已屏始膺西平尙能跳迸再剗光息厥亦僵價  
大殲六安俄然滅泯剪剪誅屠纍纍執訊大憝既除三軀  
弗竟北寇南奔復擾江郡進師淮楊東師齊奮狼山効靈  
全師而勝有驚其駭掇之安慶役不踰時二黨漸燼維昔  
晉公平淮望駿戎儀圖公有隆厥聞振旅而旋天聲四振  
歲歲凌烟功孰與並維天作君維民之定維天誘民維君  
之順維臣相君以爲民幸撫綏維仁匡輔維敬寇難既平  
壹新厥政宗社萬年公與有慶

北堂貞壽頌

湖藩大方伯安成張公之母某氏太夫人前侍御敬齋公之配也賢足以資侍御之忠而承之以節教足以成方伯公之孝而享之以年歲庚戌壽七十有二夏六月十又二日屆其始生方伯公即迎養之署率子孫賀時家君同官既偕藩臬群公爲壽復爲詩若干合而頌之曰北堂貞壽小子玉目覩茲盛竊伏嘆魯作泮宮里克作頌以今方伯之貴之賢視魯公有光而太夫人之貞之壽三綱攸繫則是北堂雖泮宮無愧也如是而頌不作庸非闕歟玉辱通家再拜而爲之頌曰

乾健不息坤順無疆惟貞則壽人道之常懿哉夫人久此  
合德毓秀閨門女類作則婉德名公夙夜雍雍公秉大忠  
國難其從夫人曰嗚我生其可憫此幼孤茹哀忍禍爰有  
先業曰歸紹之爰有遺書曰言教之喻四十春稜稜一節  
泉冽冰清霜勁月白天售其祥嗣公再昌敷于廟廊屏翰  
南荒棣萼敷榮春宮競秀蘭茁其芽秋庭逾茂斗杓南西  
月弦幾望婺女耀芒金妃來相子婦夔夔孫曾怡怡拜獻  
春酒岡阜用期萃裾綈冠有來濟濟顧瞻北堂貞壽是美  
倚歟夫人盛美具膺匪貞奚獲匪壽奚徵譬彼堅松凌霜  
益偉豈如柔葩未脫先萎矧是貞壽三綱是成孝資其壽

忠顯以貞宜受永年以介景福閔子孫魯褒命有後

椿庭榮壽頌

椿庭榮壽者憲長王先生之壽其親也二泉先生題之名  
公序之才大夫詠之而予頌之蓋人之情莫不欲其親之  
榮亦莫不欲其親之壽然有不可必者憲長起進士歷郎  
署長臬司才望鬱然爲時稱重尊甫先生早膺褒封已而  
進服色茲踰耄耄而康健弗衰所謂榮壽者蓋無得之矣  
昔魯之頌僖公不過曰純嘏眉壽而已以今較昔將無過  
之如是而頌不作庸非缺歟頌曰有植維椿胡碩而秀元  
氣攸鍾君子之囿有殖斯庭胡鬱而茂嘉對蔭之君子所

構山則有植木則有華瞻彼君子德音孔嘉慶斯集矣教  
成于家胡不顯世榮寵荐加豸服龍章後先有賚華髮朱  
頰耄期未艾宦業滋隆福祉方屆疇克象之河濟嵩岱

贊十二首

大梁書院旭日贊

瀛海之東是曰暘谷洪濤稽天烈日所浴維是烈日潛晦  
于宵崇樞旋復明晉于朝徘徊扶桑掩映蓬島萬國昭明  
陰翳如掃人將昧爽予茲寅賓大明厥德與日同升

四皓圖贊

四皓者秦漢間高士也而入忽焉予嘗考其世矣蜂蟻食

殘固不足仕龍顏豁達大度起豐沛捲三秦囊括四海奔走豪傑而悉臣之良平信布姑置勿論雖拔山之悍亦靡玩而斃之若狐兔然可謂英君矣然竟不能一致四公何耶蓋士必有不可凌之節而後有不可奪之志不輕天下未有能運天下者也伊尹耕於有莘之野祿之以天下而不顧其氣固已吞有夏而呼吸桐宮豈必三聘之起而後見哉四公高卧高山至於皓首其輕天下與伊尹同抱興王之具而弗屑苟試固非政籍所能致亦非高帝所能臣也鴻飛冥冥紫芝可茹俯視群雄猶圖之奕爾旁觀雖明而莫可語者逮盈之招蓋當局者迷置子未定故一出而



正之論者不察或置疑於是非真贗之間是殆見吾杜德  
機也方帝將易儲溺於私昵弼士所不能諫智士所不能  
謀而四公一見之餘其事遂已自非德義在躬潛孚格於  
不言之表能致爾耶孟子曰惟大人爲能格君心之非又  
曰人有不爲也而後可以有爲故予品漢初之士首四皓  
次魯二生然後及於蕭曹陵勃而絳孫不與焉噫士居常  
不能自立苟且徇時倉卒欲自表於謀議之間以濟大事  
難矣故必處以養其所用而後出以用其所養若四皓者  
可也系之贊曰

有哉商山四公所居既皓其首而志弗渝雲雷構屯懷珙

自暇鼎呂載安觀容者化我儀圖之疇克儷之莘野高蹈  
帝王之師匪圖斯瞻惟德斯懋商山可齊君子耆壽

趙清獻公贊

趙清獻公宋名臣也憲長臧先生以遺像屬予贊維公立  
朝有愛直之褒居家有孝子之傳韓魏公稱其爲世人標  
表蘇東坡稱其兼子產蚡向之賢無容贅矣謹撫其餘而  
爲之贊曰

猗清獻公勁節孤聳鐵面霜橫丹心日捧危冠偉袍秉笏  
端拱敷奏巖廊百僚震悚力去惡苗務滋嘉種畫爲宵告  
天監斯動克孝克忠有清有勇千古凜然斗旋嶽華

包孝肅公贊

宋包孝肅公忠孝大節人莫不知或稱其笑比黃河或稱其關節不到至其剛而不愠嚴而不苛人或未之知也憲長減先生以遺像示玉敬述斯贊俾觀者有所興起贊曰猗孝肅公厥聞凜凜貞綱弗柔直幹斯挺豈笑伊難維私是昇正笏立朝權姦用竊剛而不愠聞善則省嚴而不苛宏綱是整原於孝忱達於忠蓋遺像肅然懦夫可儆

整菴羅公像贊

猗歟先生世德夙成學探其邃文致其精在子瞻則難其子在子固則難其兄發軔魏科如龍斯見揚鑣翰苑如鳳

斯鳴南雍仰師生之模範北銓美人物之權衡守雖嚴而不詭以絕物才雖盛而不矯以求名屢陟秩宗群心未慍爰登冢宰衆望攸傾時雖耽乎遐遁天未釋予耆英維邦之彥維世之禎文端文貞猗歟先生

歐陽明之像贊

明之先夫人之姪也業儒訓侯門分教畿縣然好道家者言吐納導引能一飯數升一飲一斗日行百里夜坐不寐先公在內臺時君過予予戲之曰君乘紙驢來耶君笑而不應今年復與予會於京師則先公先夫人皆不可作而君亦老矣間出其像示予儼然道家者流也君誠有得於

茲邪爲之贊曰

其生也儒其習也儒其官也儒奈何星冠撐如霞裾飄如  
超忽乎太虛逍遙乎玄都役三靈以自衛竊六氣以自飫  
笑蟻蝶之起滅拉松石而爲徒吾聞古之壽者周孔唐虞  
君儻見之千禩尚示戒於三餘

朱熙齋先生像贊

秩秩德隅德容舒舒其心抑抑其動于道源滂沛學海  
涵濡既端其本抑範其驅圭璋乎聖世領袖乎師儒成諸  
已者如秋之歛及乎人者如春之嘘優哉蔗境樂矣康衢  
景福眉壽如山之畜如水之輪繼志者挺英標於甲第承

歡者供色養於怡愉意聲洪實茂善積慶餘行當垂乎青  
簡寵必賚於丹書求其似者謂斯圖之可仰得其真者知  
予言之匪謬

朱處士廷止像贊

秩然其躬邪溫然其容邪克然才之見於外退然德之蘊  
於中邪卓卓乎承先之志其未終邪優優乎垂後之慶其  
未窮邪既富而穀抑構而堂致慤則見著於葵牆川流嶽  
峙君子弗亡

友梅兄像贊

友梅兄自逸於雲窩被野服戴華陽巾逍遙塵表物莫與

隣而獨以友梅自稱或疑之曰公嘗登仕版友賢士大夫  
和露之槲倚雲之杏固已掇其萃而咀其實矣胡弗是友  
而梅之友邪公曰梅靈植也含太極乾坤之理故能以歲  
寒之操而發先春之仁以玉雪之姿而具台鼎之用予每  
從之遊儼乎若傅公程子宋廣牟林和靖相先後予尚友  
其德之弗暇而庸計其他邪玉因公之像爲之贊以著其  
德

大庾綿亘南服是經鍾秀于人宦族之英令德孔植嘉聞  
維馨傲睨千古友梅是稱冰霜致其潔陽和發其醇商鼎  
資其實禹梁待其楨然而厭塵紛遺世榮溪山自逸風月

爲賓折靈椿以益筭傾沆瀣以怡神殆將追遐蹤於姑射  
續遺轡於子真者歟

顛隱兄像贊

儀觀之軒然風度之翩然鍾永冠之世美襲詩禮之家傳  
其見而宰官者蓋毛芒之露其道而山林者蓋韜蘊之全  
方其壯也其材可將及其老也其道可僊福祉方屆慶澤  
斯綿端族之所仰賴鄉黨之所具瞻噫人皆知其真隱抑  
孰知其真詮予將述而爲東方之贊爾尚求之南華之篇

咸儒兄遺像

再從兄咸儒君一字貞固少娟美善謳吟動可人意壯愈



信然不能事矩矱大抵類阮咸畢卓之爲人每酣  
掌諸譴問疊不知者以爲優孟東方朔復生也中無他腸  
事觸機即發雖與人參差然實不能培人以多利已夫以  
兄雋敏黽勉就中道孰與哉今如此又不幸早世以卒悲  
夫卒之夕予夢兄持像有贊屬予復爲之覺而聞訃走哭  
已發像視之符所夢意豈予之言固無取於世而有取於  
兄耶系之辭曰金容兮玉膚娟娟兮竹梧凌獵兮疆畔笑  
局促兮轅駒朝吟兮夕嘒聊醉謔兮歡娛百世兮超忽孰  
堯蹠兮賢愚浮雲兮相愉渺鶴駕兮玄都瞻遺容兮恍惚  
掩吾涕兮長吁

真白兄嫂李孺人像贊

真白公予再從兄孺人子祖姑所生也故知之詳爲之贊  
曰

猗歟孺人育于名族姆教是率如金如玉爲女之淵  
猗歟孺人嫔德于良仕路是將以贊以襄妻道有光  
猗歟孺人善誨其子禮樂經史篤於終始母儀令只  
猗歟孺人寔宜其家穀蔌絲麻惠於遐邇德音孔嘉  
猗歟孺人維天所祐既福既壽有晤斯觀永式爾後

箴一首

儆箴

江右少方伯舒城秦公旬宣之隙進玉而語之曰人以一心酬酢萬變一苟不倣則過不及之弊生焉故子每自倣而以倣名菴子試為予言所以倣者竊嘗聞之天下之物莫不各有自然之中然皆具于性而宰制于心心者一身之主宰萬事之權輿也然心動物也或因物以遷而不知倣焉則昏昧放逸失所以宰制之體乖離舛錯悖所以酬酢之方此過不及之弊所由生也觀夫操舟者不危於奔流而每膠於淺瀨善御者不危於險阨而每躓於坦途夫豈難者易而易者難哉倣與不倣之異也是故君子無所不用其倣巾以謹其首履以拘其足告戒之言以勵於耳

盤盂几杖之銘以儆於目然猶以爲未也爲之執玉捧盃  
臨深履薄慎言敏行以致儆於酬酢之間然猶以爲未也  
爲之戒慎恐懼以儆於本原之地者無所不至蓋古之君  
子所以自儆者如此此其所以心不奪於物而克惕於大  
中之道也公承絕學之餘獨有志焉既致謹於持心處事  
之間又列其事之要者日觀省之故嘗觀盛德于下風善  
足以蓋世而未嘗有所矜廉足以振俗而未嘗有所矯慈  
祥樂易之心克內達外而藹然之中凜然有不可犯之色  
此其儆之徵而無過不及者槩可見矣予朱子序中庸道  
統之傳自堯舜歷于皐陶伊傳精一執中之外無他道也

蓋聖賢之學莫要於心而其道莫大於中以公之謂儆而  
質其精一之心以公之謂無過不及而質其執中之道其  
條貫豈有二哉達是以匡吾君澤斯民功業之盛蓋有在  
於天下而不在於一方歌詠之作蓋有在於太史而不在  
於末學既承命敢再拜而爲之箴曰帝降之衷民秉之則  
一心之微萬幾之臚危殆隱微潰亂惶惑惟儆斯存弗儆  
則武赫赫心君儆之斯直不見不聞以固其植勅勅思官  
儆之斯得莫見莫顯以防其隙母曰燕安無然厲惕惟曰  
無虞此其莫測母曰隱微無然戒飭惟曰非難此其常失  
若奉大君若覲皇極端以袞裳拱以珪璧若總大師若臨

大敵警以鼓鉦嚴以戈戚兢兢自持乾乾弗息惟誠之存  
閑邪之入必懼以臨必慎而出惟理之揆其宜之適粵昔  
帝舜夔夔齊栗亦有文王小心翼翼吁嗟彼人曾不踐迹  
心且怠荒事何寧謐懿哉我公優於入室以名其菴以勵  
其實曰有持循曰有警策曰有觀省以朝以夕道統之傳  
惟中是執執中伊何惟精惟一公所儆之無過不及世有  
先後道豈今昔宜德之崇如升之日厥功懋哉如川之積  
崇崇儆菴明明令德弗腆斯箴用昭無斁

銘六首

橫街劉氏家廟鐘銘

劉氏之有家廟既美既完顧惟制弗克稱乃成化乙巳衆謀更之鍊金之粹鳩工之良合初製之出於族伯述良者爲大鑪焉俾予銘之用垂無極銘曰

維茲大鑪見氏之精琅手鏗訇如雷斯轟有肅家廟以嘗以蒸以致孝享以格先靈惟我先德如鑪之聲凡爾後胤維扣則鳴一德是勵繁祉是臻大震斯響於萬斯齡

瘞雀銘

成化癸卯季夏將望予讀書楊梅山從者探簷隙得雀之雛者四黃口赤膚毛茁未半予憐而叱之俾返其母從者陽諾而陰藏之及聞則猶食者過丰雖怒無及矣惟一尚

存氣喘喘待盡命承篋置之簷端雀群噪而下環而哺之  
竟莫之如何而死於予心良有惻焉少焉假寐夢釋而褐  
者進曰某之死出於非罪先生忍弗救何哉予初莫省既  
而悟笑曰爾殆生於簷隙厄於狸狎者耶予非不爾救蓋  
莫之能救焉耳雖然爾之死蓋亦不爲無罪也褐者曰願  
聞所以予曰天之所生莫人之靈人之所賴惟食爲大一  
畝之田數鍾之粟終歲其勤惟日不足爾乃引類呼群叢  
然而集忝其福而不與其勞饗其食而不知乎誰力昌黎  
有言物之無益而有害於人者死不赦非爾之謂歟褐者  
然進曰是則然矣抑有大於此者先生其弗之聞乎南



山之南有富人焉饕濫無厭培刻是務罔人之恤惟已之  
富瓊餘玉食錦襠綉袴所害所享不有大於此乎北山之  
北有貴人焉細節硜硜庸才碌碌擅九命以爲尊魚萬鍾  
而爲祿魯國之裨維民之酷所饗所害不又大於此乎然  
而衍衍於家揚揚在位未聞天災未聞人害先生不彼之  
懲而惟此是恠殆鄒孟氏所謂放飯流歠而問無齒決之  
謂矣且罪人不孥方長不折王法昭昭聖謨烈烈先生獨  
求之聞乎而某也何罪之敢涉予直其言謂之曰事已已  
矣莫可追矣予爲掩爾殘骨而弔之以文何如褐者諾再  
拜而退既覺追述其言爲之銘以警夫人之不如雀者銘

一  
三十三  
金  
曰匪鵠匪鵬匪鸞匪鳳斯銘用昭於群有光

界方銘

體之方用之直古社稷臣庶無慚德

硯匣銘

昌子文惟彼之能覆予墨惟爾之德戒之戒之居白守黑

硯銘

龍尾之精玉質金聲礪爾玄德昌我文明

扇銘

湜而不緇孔道之光用之則行顏氏之戒夷之清足以勵  
千古舜之薰足以被四方此其媿德也甚大而豈徒備物

皇明之良

執齋先生文集卷一